



Uhapšeni zbog ratnih zločina



TUŽILAŠTVO BiH: Uputili prijedlog Sudu

Tužilaštvo traži pritvor i zabrane

Nakon ispitivanja osumnjičenih osoba koje su policijski službenici **SIPA-e** lišili slobode i predali tužiocu Posebnog odjela za ratne zločine Tužilaštva BiH, postupajući tužilac je uputio Sudu BiH prijedlog za određivanje mjera pritvora za tri osumnjičene osobe, a za dvije prijedlog za određivanje mjere zabrane.

Prijedlog za određivanje mjere pritvora u trajanju od mjesec upućen je Sudu BiH za osumnjičene: Miroslava Hrstića (1949) iz Ljubuškog, Ivana Medića (1952) iz Ljubuškog i Miljenka Nogolice (1962) iz Čapljine.

Mjera pritvora predložena je zbog opasnosti od bjekstva, opasnosti da bi boravkom na slobodi mogli ometati krivični postupak utjecajem na svjedoke,

saučesnike ili prikrivače.

Za osumnjičene Jadranka Martinovića (1968) iz Širokog Brijega i Tonče Rajića (1971) iz Mostara, upućen je prijedlog za određivanje mjere zabrane.

Predložene su mjere zabrane napuštanja boravišta uz privremeno oduzimanje putnih isprava, zabrana izdavanja novih putnih isprava i zabrana korištenja lične karte za prelazak državne granice (zabrana putovanja), zabrana sastajanja sa određenim osobama (međusobno i sa svjedocima u predmetu Tužilaštva BiH), kao i obaveza da se osumnjičeni Rajić povremeno javlja određenom državnom organu.

Prijedlog za određivanje mjere pritvora i mjera zabrane upućen je Sudu BiH, saopćeno je iz Tužilaštva BiH.